

晚

晴

移

詩

匯

晚晴移詩匯卷一百二十八目錄

陳沆 四首

胡達源 二首

徐士芬 六首

阮燦輝 一首

沈鏐 二首

朱國清 二首

蔣廷恩 一首

托渾布 五首

錢寶琛 六首

楊九畹 一首

張夢蘭 四首

王文驥 二首

郭鑑庚 二首

周賡盛 二首

張家桀 二首

郭儀霄 九首

黃釗 四首

忠廉 一首

蘇震占 一首

孫葆恬 四首

王溱 一首

蔣蘅 三首

曹應樞 四首

崔暘 一首

楊大章 一首

張湘任 一首

簡鈞培 四首

汪棨 一首

鄒志路 一首

陳繼昌 一首

許乃普 五首

張祥河 九首

徐寶善 五首

徐宗幹 五首

楊慶琛 三首

李璋煜 五首

俞焜 二首

馮詢 三首

趙亨鈴 三首

張擴廷 一首

汪百祿 一首

沈道寬 九首

朱毓文 一首

張星煥 二首

馮登府 二首

趙對徵 三首

郭書俊 五首

尹偉圖 一首

朱鳳翔 六首

晚晴籀詩匯卷一百二十八

徐世昌

陳沆字太初號秋舫蘄水人嘉慶己卯一甲一名進士  
授修撰有簡學齋詩存

詩話秋舫詩才超逸登上第而不永年人咸惜之魏默深評其詩云羚羊挂角無迹可尋成連東海刺舟而去漁洋能言之而不能爲之也秋舫其庶幾乎雖朋輩推重未免過情而其詩境高曠可髣髴見之矣  
曉行

破曉纔分路輪蹄響復停大霜疑小雪殘月避高星樹影  
連村暗雞聲帶水聽誰家林館靜幽夢未曾醒

萬壽寺七松歌

不雨何爲怒濤吼綠雲橫鋪三十畝生平入寺不拜佛茲  
乃絕倒支離叟二松在左二松右三松當中相配偶旁一

大榆羞老醜掉頭意欲牆外走靈根日月照不到元氣自  
貫天地後我疑七松皆老龍七龍上天成一松不然何故  
非枝葉一一變化鱗鬣同傳聞寺建自瑞宦幸未刻畫遭  
俗工譬如高人寄廡下俊骨肯受凡夫容六時常覺聲沸  
耳一塵不生何處風安得長欂白木柄刷取琥珀千年紅  
不願食之壽無窮亦不願作十八公但願骨節撐玲瓏春  
氣不死冰雪胸歌成似聞松太息白鶴下來煙外立

半山亭望武昌大江

醉影怱怱拜佛幢下山已聽暮鐘撞閒憑曲磴當松半坐  
見輕帆與雁雙百里蒼煙浮遠塔孤城落日背寒江英雄  
勝概銷磨盡滿眼風波一釣艖

古風一首贈魏默深卽題北道集後

直木無卑枝清漪無雜鱗君今甫二十出語如有神灑然  
風雨氣傾倒萬斛塵古風日蕪穢大道成迷津各抱娉姍  
性何以稱詩人遂如緇與素漸染漸失真賤子不量力頽  
翻思一振區區自怡悅安計笑且嗔把君北道集懷抱生  
古春流離浩滿眼憑車發哀呻惜哉徒爲爾不救民苦辛  
今當與子別行矣各愛身所期浮囂盡遠與澹泊鄰

胡達源字清甫號雲閣益陽人嘉慶己卯一甲三名進

士授編修歷官少詹事降侍講有聞妙香軒集

詩話雲閣以文學受知宣廟以主武會試失察傳  
吏議左遷以憂歸遽卒祁壽陽祭文有云疏奏重朝  
廷具長孺發粟少游繪圖之識箴言貽弟子有安定  
設教敬齋居業之功蓋其臨事善斷能任大事未竟  
其用卒啟文忠弼成同  
治戡定之業有由來也

寄春藻墨溪兩弟

畏路風波險平安寄汝箋晨昏勞定省瑣屑累周旋詩禮傳家舊文章報國先弟兄俱努力南北望拳拳

有寄

擬向桃源叩玉關扁舟一葉引風還天邊定有重圓月海上甯無可到山流水游龍喧日下浮雲蒼狗幻人閒憐君別有心期在莫觸離愁入鬢斑

徐士芬字誦清號惺庵平湖人嘉慶己卯進士改庶吉士授編修官至戶部侍郎有漱芳閣集

江州懷古

繫馬常念馳籠鳥不忘飛秋風萼蘊美有託乃遄歸束帶見督郵作令當知之云胡受五斗掉頭在臨時田園自可樂素心復與期郡符雖不至亦賦歸來辭

柴桑城



芥子容須彌不聞尺寸羈道力馳猛虎乃欲避虎溪一溪  
限足迹四大空何爲飲酒容淵明戒律寬如斯恐君白蓮  
社圓礙自相歧作亭誌三笑匪笑忘清規應笑杖端錫不  
及虎穴窺

三笑亭

蘊裡掩勿惡人子誰不然安得萬千鶴一一指窵懸不聞  
五父衢曼甫假仙緣陶公忠貫日乃云夢飛天世俗好騰  
說復謂尋牛眠朝露旋零落佳氣存何阡我欲問皋禽仙  
翩渺寒煙

鶴問湖

昔行白公隄遺澤見鄉里今來湓浦口孤亭兀江湓月白  
江風寒淒音疑在水當時遷謫感豈爲四絃起達人有至  
情觸緒不能已雍門彈瑟聲桓伊撫箏指深心懷抱別商  
婦安識此

琵琶亭

偶感

塵世事紛擾營營未肯休孤雲獨無事久與閒人游無心  
偶相值淡極不可收四岳自霖雨蕭然遠龍湫幽人心亦  
忘相對長悠悠

東風好吹噓吹噓緣成林成林不言功東風何處尋亦有  
灌園客抱甕走庭陰無心遇嘉樹不思梁棟任亟呼尋斧  
斫攻伐違天心天心一何仁嘉樹回陽春

阮燦輝字升甫江西安福人嘉慶己卯進士改庶吉士  
有匏庵詩鈔

野望

極目微茫處濛濛山外青天空雲作嶂岸遠樹爲屏野水  
穿田合村煙傍戶扃遙林歸倦鳥暮色正蒼冥

沈鐸字聽篁仁和人嘉慶己卯進士改庶吉士授編修  
歷官給事中有自悅齋吟草

九月初旬有西江之行晚泊富春

離家纔百里時有好山看城樹延秋色江波蕩暮寒鳥棲  
孤塔定帆卸夕陽殘如此芳洲路行行未覺難

嚴州道中

浮雲出層壑日夕變晴晦峭影逼峯尖跼步危石背下有  
百尺溪蛟龍隱其內撓聲一水通樹色兩山對乳竇鳴潺  
湲雲根插巒巘十里更回首暮林環修黛遠景低慚昏故  
園渺何在漁燈倒影亂沙月流光碎浪迹幾浮沈清夜發  
長嘔屈指算歸途記取來游再

朱國淳字醴泉號湘帆嘉善人嘉慶己卯進士改庶吉

士授刑部主事有皇華集

秋懷

蟋蟀爾何知乃使良士驚草蟲亦微細能感君子情獨得  
氣化先非關不平鳴客舍有瓜苦延緣蔓枯荆應候吐其  
華粲粲黃金英采之未盈掬百慮忽然并中夜不能寐攬  
衣步前楹落葉響空階淒然秋氣清

岳陽樓

層樓極目俯秋晴萬頃蒼茫落照橫遠勢平吞巴子國驚  
濤全擁岳州城江湖滿地關憂樂舟楫何人恥聖明安得  
漁翁同信宿一竿煙水狎鷗盟

蔣廷恩原名棠字傳元號香杜一號香度元和人嘉慶  
己卯進士官內閣中書有晚晴軒詩鈔

劉碧鬢墓

撫吳某中丞姬也居來鶴樓僅一年化去瘞署後雞栖之下後降此與諸文士倡酬

自述生前事甚具乃遷葬虎邱玉蘭房側

何年小謫住塵寰來鶴香消事等閒夜月有靈吟白雪落花無主葬青山一春夢短朱門裏千古魂歸玉樹間檐鐵新詞誰卒讀杜鵑嘯斷血痕斑

檐鐵詞瘦蘭集皆所著也

托渾布字子元號愛山蒙古旗人嘉慶己卯進士官至山東巡撫有瑞榴堂集

謁柳柳州祠

門對青山水滿溪丹黃蕉荔葉萋萋已無報賽銅絃曲剩有殘碑玉局題遷謫同時悲夢得文章一代接昌黎知公不朽英靈在自有餘光炳斗奎

江山道中雜詩

一舟四面浸澄空  
月色波光上下同  
怪底鄰船箏篴靜  
怕他龍女出珠宮

蘸波嫩柳綠堪憐  
舞向東風態更妍  
眼底桃花逐流水  
不知春思在鷗邊

再度黎嶺和壁間韻

閩越分程咫尺間  
峯如屏展水如環  
龍收潭雨僧安鉢  
鳥破林煙客款關  
風色蒼茫甌海樹  
秋容峭削浦城山  
年來徧踏紅塵道  
一晌雲棲始覺閒

五顯嶺小憩和壁間韻

不爲籃輿倦安知  
洞壑幽禪栖空意  
識樹老閱春秋深  
竹磻阿抱野雲山  
缺流衣塵何日浣  
一笑此句留

錢寶琛字楚玉一字伯璵晚號頤叟太倉人嘉慶己卯

進士改庶吉士授編修官至江西巡撫有存素堂詩集

淮陰釣臺

漢家機智馭英才國士遭逢絕可哀一劍孤依真主去雙符虛擁假王來庭中握手誣誰辨卧內收兵氣早灰他日歌風空太息清淮古沛兩荒臺

道旁

道旁僵卧馬撩亂飄風鬣足下雙烙字官印依稀紅借問來何所烏弋及湟中曾從征南軍百戰立邊功老病不見收流落荒煙叢當時列天廐食料何繁豐朝辭長安陌暮刷幽燕蹤至今一仰秣猶能生長風

富家

富家廣田宅僮僕指盈千門戶付重寄管鑰任亦專妻孥  
厭粱肉服御爭華鮮一朝盜入室分散如秋煙帷蓋不足  
惜囊橐亦可憐古來弓刀士誰肯輕死邊衛霍大將才煌  
煌照史編騶御立功名我思趙卒賢

### 治病

治病如治國藥石匪妄投君臣佐使間大小理亦侔人生  
精氣神浩蕩天機流陰陽旣適職體質分剛柔膚革一以  
實育膏百無憂菖蒲亦引年丹砂亦可求樹本苟不固病  
瘡誰能瘳勿用扁鵲言終從賈生謀

### 白雁

關山渺渺雨霏霏倦翮橫拖雪氅衣蘆荻風高孤影淡稻  
梁歲晚素心違平沙空闊飄清散遠渚依微下夕暉不見



紅襟雙燕子年年爭傍畫梁飛

江湖何處定風波萬里衝寒練影過夜色低迷青海明曉  
霜暗度玉津河羽毛高潔邊塵遠心迹分明別緒多寄語  
天涯羈旅客鷗盟鶴夢未蹉跎

楊九畹字蘭畬號余田慈谿人嘉慶己卯一甲二名進  
士授編修歷官廣東南韶連道有巽峯草廬遺藁

吉安江上晚霽

急雨旋開霽蓬窗暑氣銷夕陽明岸曲溼翠隱山椒章貢  
水初合東南路尙遙天公知我意先爲滌煩囂

張夢蘭字循陔號湘畹一號涉園觀城人嘉慶己卯進  
士官浙江太平知縣有學未齋集

詩話湘畹任光澤令以民女李德姑被戕案與上司  
忤爭之三年寃始白覆審時有五采蝶迴翔公堂羣

謂德姑魂也鹽法道王耀辰作蝴蝶翔樂府紀其事  
一時賦詩者甚眾湘晚詩如其人醇樸而豪放以捲  
發性靈爲主自謂意興觸發於外而內有以動其心  
偶合古人不爲同獨抒己見不爲異又作詩曰我不  
學古人我將惡道墮我  
盡襲古人何以更著我

出南郭尋畢文簡墓不得

西風禾黍響颯颯危業荒城雲峯雜野徑蒼茫闕無人蟬  
聲蛩語互相答九原可作其誰歸我公大度殊巍巍力贊  
萊公排欽若契丹解得澶淵圍苦恨小邑無文獻借才聊  
爲讀書勸盛德曾無坏土留神鴉社鼓傳哀怨聞道畫像  
亦被焚香煙矗起團成雲一樣子孫不識字魏公村裏趨  
耕耘山河不殊風景別茫茫古今電光掣斜陽荒阪姑少  
留九龍港口水嗚咽

登巾子山

雙峯嵒崿依女牆纖徑崎嶇通上方舊擬來游今始到潯  
暑全滌西風涼帶山琳宇皆南向矮垣橫繚千年樟稍前  
不浪舟尤穩翠微高竦飛嵐光翠筠旁偃石壁峻雜以野  
花緣紀堂隨潮帆影拂檻過島嶼縈迴江天長西北羣山  
來未已橫空旌旆時飛揚城中萬瓦鱗疊碧郭外千畦雲  
浮黃憑眺獨立無人徑山僧見怪詢行藏我謂僕夫勿饒  
舌邇來埋首隨韓康歸循舊途怕人識左旋右折踰崇岡  
卻到平地重迴望離離塔影凌青蒼

聞雁有感

無情如雁燕來去有常期況是年深客兼逢歲暮時旅懷  
憑夢遣老景怕兒知寂寂迴欄外寒風颭竹枝

姑蘇懷古

許越行成志已誣黃池爭長計尤疏夫差自是甘忘父西  
子何曾解參吳一曲空江迷步屨千年冷月照姑蘇國讐  
難共家讐雪遺恨堪憐伍大夫

王文驤字雲子諸城人嘉慶己卯進士改庶吉士官開  
平知縣有西坪詩鈔

### 秋夕

秋陰倒影照前溪嗚咽寒禽抱樹嘯貪看雲山歸去晚一  
鉤新月竹亭西

### 紅樓

紅樓九曲映紅薇面面朱欄繞綺扉啟戶香隨新燕出捲  
簾花向美人飛乍尋金谷春懷劇旋隔銀河好夢稀從此  
唾絨窗外路晚煙晨雨自霏霏

郭鑑庚初名聚奎字萼香信陽州人嘉慶己卯進士官  
高縣知縣有海粟齋詩鈔

洞庭湖

萬古衡沅水蒼波匯洞庭地盤三楚闊天入九疑青蘭芷  
騷人怨魚龍夜氣腥風帆杳何處酌酒弔湘靈

茅津渡渡黃河卽目

秋聲莽莽馬蕭蕭汝陝西來極望遙三晉河山趨洛下二  
陵風雨過中條英雄故里人爭說井邑先民澤未彫半載  
程途兩萬里憑誰肝膽訴無聊

周賡盛字雨蕉鎮洋人嘉慶己卯舉人官永壽知縣有

題蕉館集

詩話雨蕉好讀書爲詩文不依傍門戶洪稚存嘗言  
才之傑者不必傾崑璚倒海珠而筆墨變化之妙精

靈不測如西方化人一髮孔中現大千世界如神龍之階尺木與雲嘯霧而不可方物兩蕉近之矣

地安門外觀荷花登酒樓和秋士

西池玉蜨波千尺黃鵠低飛啄菱實別有北湖千頃陂萬  
柄荷花淨如拭蝦菜亭前酒客豪酒旗十幅當風挑長安  
酒人嘯僞侶蹇驢游策紛相要南州孺子居鄰近暇日輒  
思紆勝引更拈法曲唱玲瓏白日黃雞此中盡酒人幾輩  
河朔才逃暑我亦尋花來花香繞樓樓在水樓頭詞客歌  
聲起西山白雲落酒杯望斷江南罨畫裏江南詞客歌采  
蓮田田紺葉搖風圓判花縱酒一悵惆夜夢已落江湖邊  
碧筒傳杯飲秋露貼玉團團墮寒兔君不見東華十丈輓  
紅塵都是朝官馬蹏路

三月二十日游牛頭寺

楊花撲面鶯亂囀樂游原上煙萋萋野田棠梨紅欲墮  
浦菰蒲綠未齊朝來雨歇山似沐終南秀色雲鬟低薜  
苔一徑憩蘭若槃桓石磴風淒淒牡丹已殘芍藥吐紅欄碧  
檻僧寮西齋魚粥鼓寂復寂午雞時一聞前溪危樓縹緲  
著青碧俯視萬畝扶耕犁杜陵祠屋在鄰並游客得句軒  
檻題開元天寶已陳跡芙蓉鵲殘春泥第五橋邊沽酒  
處斜陽歸路花驄嘶

張家渠字靜安號蓉裳湘潭人嘉慶己卯進士卽用知  
縣改新化教諭有蓉裳詩鈔

夜至九十六松山房次秋舫韻

閒雲無定岫百里渡江來流水孤村夜蓬門一笑開舊題  
看畫壁新雨過蒼苔今夕山中月清光照舉杯

與中之再登攬湘樓

乞得閒身暫故鄉  
菜傭駟僊何妨洲  
浮煙樹橫官渡帆  
帶晴雲下碧湘  
老去山川渾夢寐  
秋深風日足清狂  
茶瓜忽憶登樓別  
粵秀吳趨道共長

郭儀霄字羽可永豐人嘉慶己卯舉人官內閣中書有誦芬堂詩鈔

詩話羽可初從張鶴舫受詩法所為詩集諸大家之  
長樂府尤深妙古渾嘗言才各有大小學各有淺深  
故家數之成就者不同又言凡見人聰明各有所到處  
故論詩不界唐宋不持門戶之見惟以得性情之真  
者為宗集中詩有曰作詩寫性情醞釀出天性妙又曰  
肝膽得所洩真氣為之生又曰讀書務根柢浩氣所  
瀾淪蓋自道甘苦語也吳蘭雪訪羽可於黃樹齋所  
因論兩人詩工拙云羽可之詩樂府特佳餘皆醞釀  
深醇蘊枝大葉不假修飾其拙處往往不工對仗然  
不礙其為可傳已詩如一匹天孫錦五色斑斕無瑕  
可指然真氣亦坐此彫損樹齋以為確論羽可工畫  
竹朝鮮使每朝貢至京師輒索羽可詩集書畫去張



亨甫贈詩云過海詩  
名遠摩天竹意奇

釣魚詞

垂竿入煙水笠釣青苔磯水清魚可數潛躍皆天機香餌  
忽在此來去任汝爲白小連頭來浮沈擲我絲豈必任汝  
遲念汝太卑微大魚擺尾過似有垂涎思不念儻來物趨  
之甘如飴竿絲忽以動尾鬣揚髹髹初嗜亦云美旣吞方  
覺危欲吐勢已晚鉤距銜厥腮磨刀魚眼紅自分供脯麋  
誰識大魚苦但見白小嬉大魚怨白小胎禍誠汝基白小  
悠然笑汝言誠乃奇汝腹亦已飽涵淹恣膏脂旣不化龍  
去徒令窺汝肥又不選深潭乃爲香餌迷請今告眾魚貪  
者自亡軀

陪張鶴舫師吳白厂學博雲龍橋玩月

灩灩明月光幽幽風露夕江火侵寒芒林陰篩碎黑沙灘  
更奇絕石瀨相搏激蟾吐逐蚪攪下上金波擲一箇水晶  
盤散作千圭壁掬手嗽其華盪胸生虛白薄袂漸欲冷清  
景別可惜長嘯一聲秋飛鴻遠天碧

同黎弼軒游慈雲寺

野色開青霽尋芳入翠微溪聲催碓轉雲氣薄人飛春草  
牛羊健陰山筍蕨肥上方風景好吾欲款僧扉  
到門鐘韻寂照座佛鐙微一犬竹間吠孤僧雲外歸似吾  
塵汨面輪汝世忘機蝸角成何事高閒野性違

連小瀛參軍

洲

招同陳大園學博消夏出示所藏魏

伯子蔡白采所畫雪梅山水長卷及宋元以來各  
名家墨蹟畫冊詩以贈之

火雲四射天宇紅祝融衙衙鞭赤龍幽篁枯坐不敢出折  
柬忽到信天翁草堂熱客無人過袁安六月能高卧朝來  
邀我作陳飲入室耿耿寒芒射山人擲筆散瓊屑萬岫皚  
皚生眼纈玉龍偃蹇銀蚪亂坐忘曦輪蒸暑熱壓屋頑雲  
不肯消栗肌斗覺寒蕭騷冷齋高掛太古雪惟見梅花開  
寂寥飲君酒讀君畫三朝寶翰鬱精奇與子盤礴消長夏  
世上富兒愛水田千金掠買何連連畫中山水人不要往  
往剝蠹消雲煙怪君愛畫如愛酒萬壑千巖落君手卻防  
笑煞癡虎頭妙畫登仙古來有卓鑒眉公辨贗訛君家墨  
寶何其嘉歸來雲壑滿肺腑眼前突兀青山多

遲徐九香

落

不至有寄

一溪水竹難拋置昨日光陰不再來好句得如新雨至奇

書繙似古人陪卻虞春色堂堂過要勒名花緩緩開獨倚  
池亭望雲樹徐陵何處悵徘徊

寄懷南中兄弟

輪鐵天街逐輓塵一官清冷自精神人多喜氣偏難老家  
有書聲未礙貧雪爪寒分雲外雁梅花瘦共客邊春名場  
咽我終成果輪汝林泉灑宕身

薄暮

夜氣忽昏黃江洲入混茫遠鐙歸岸渡明月照漁莊沙鷺  
棲煙定僧鐘過水涼蒼然人獨立詩思滿林塘

游普照寺懷古效山谷體

普照寺前塵不囂將軍捨宅開堂坳叢林鬱鬱青天高公  
權健筆碑亭牢當年寺富佛亦豪上方鐘鼓無暮朝撞檐

鐵馬聲喧呶媚佛求福紛牛毛劫灰飛蕩山寂寥鹿女躑  
躑狙公號陰房圯榭生木妖佛火無光山鬼驕世尊療倒  
沙彌逃蓮花高座長蓬蒿腹臍剝落颺颺巢霜零露漬風  
蕭騷行腳不見僧打包募化無人輪金刀冷處誰肯紙錢  
燒廣生宮剝風景饒頭陀兀禿紫衣飄士女雜遝相招邀  
莊嚴纓絡七寶翹咫尺對望分壤霄空門亦苦炎涼遭何  
況人間富貴交得勢失勢如風潮安得龍公白絲袍迎取  
欽老誅菅茅

黃釗字香鐵鎮平人嘉慶己卯舉人官翰林院待詔有  
讀白華草堂詩

天甯寺塔歌

般若寺中紫光起普六茹堅作天子一囊舍利何方來九

州學校同時毀幽州古塔雄岩堯二十七丈高復高傳聞  
石函乍安置碣石山根恆動搖開山龍象鞭神力獅座居  
然鎮鼇極想當工匠執役時邪許聲中苦長日開皇締造  
幾太平身崇儉嗇寬徭征如何天性不悅學獨言釋氏裁  
儒生佛書識緯增誣飾鬼仙禽獸俱荒忽高僧傳裏續奇  
聞三十三枚剃頭出塔鈴萬箇搖丁當大野風沙折白楊  
迷樓螢火彌山谷不放阿儺舍利光

蘇文忠昌黎伯韓文公廟碑

井絡一星出岷峨度入牛女周天河森然北斗燦南紀精  
氣互貫參羲娥城南夜光燭萬丈蒙荆密莽同搜羅韓祠  
斷碑鬼物守蘇公奮筆如揮戈扶桑咸池大皞擁祝融海  
若長紳拖珉璫掃盡汰蟬屑雲錦織就遺龍梭投文徙鱣

遣衙吏作書詆佛驅天魔大荒披髮返閭閻  
煮蒿薦祀非滂沱丹黃蕉荔期肝蠶水旱疾疫煩  
擣呵精神在地若井水至理妙喻無差訛伊蘇  
距韓三百載元祐事略同元和斗牛不神坐埋  
困磨蝎守命遭讒訶蠻荒竄謫等一轍  
更後有春夢婆天其以我爲箕子要荒此意留  
則那當時飽喫惠州飯烏雲紅日樓頭過游湖  
六日訪遺澤韓山片石來摩挲經師已少趙天  
水子野絕粒爲頭陀存神過化理則一海潮元  
氣相盪摩潮陽儋耳兩開闢手鑿混沌基蓬科  
此碑百世立師表不與荆棘悲銅駝雨淋日炙  
半蝕剝尙鎮魑魅虺蛟鼉我來睹此思石鼓兩公  
曠代同賡歌

八月十四夜舟抵惠州登合江樓拜坡仙像作

舊居合江樓

樓懸坡仙舊居額

新居白鶴峯首尾勢相顧蜿蜒如

翔龍雙城斷要脊玉帶橋聯虹新居舊有亭肅公坐其中  
烏雲間紅日明月當清風亭中舊有侯官劉心香先舊居  
生令歸善時集公句楹帖舊居  
近新煥江樓復祠公靈黿夙奠極磨蝎初移宮我來值中  
秋天水搖清空公如照鬚眉定爲百坡翁漁火見深夜三  
五明星紅譙樓睡老卒棋院醒青童神仙自多情應在豐  
湖東

夜泊將軍硤下雨聲竟夕不寐間作

崖黑篷先掩江昏酒未沽見鐙船影並聞雨客心孤此境  
偏長夜吾行出畏途明朝盼晴霽宿鳥暗相呼

忠廉字鶴皋滿洲旗人嘉慶己卯舉人歷官兩淮鹽運  
使

詩話鶴皋以戶部郎游擢樞使咸豐季年肅西亭擅  
政鶴皋與牴牾爲所中下刑部獄久之乃得釋其子



鎮青中丞崧駿錫侯制軍崧蕃對掌  
疆符皆以廉謹稱其淵源所自遠矣

同人社集以春郊盤馬命題爲賦是篇

一鞭得意趁春晴  
驥足騰驤出鳳城  
芳草路隨新碧轉  
落花香踏軟紅輕  
風旋勢恰彎弓合  
雪盡途將縱轡行  
欲試騅駟開道遠  
麴塵十里柳煙橫

蘇震占字柏庭豐潤人嘉慶己卯舉人官鉅鹿教諭

春日赴大孤山

一辭桑梓遄征日  
便是門間倚望時  
敢謂游春歸緩緩  
特因去國意遲遲  
山橫夕照人初遠  
柳上長隄月正窺  
翹首鄉關何處所  
萬重雲樹總淒其

孫葆恬字劭吾號少梧善化人嘉慶己卯舉人官桃源  
教諭有心太平室橐

詩話少梧博雅好爲詩集中有示鼎臣願臣再示鼎臣願臣諸詩蓋仿昌黎符城南讀書之作芝房昆弟奉其教皆有聲於時

### 晚泊

雲水平湖闊蒼茫夕照斜煙輕不著樹浪小未成花炊火添漁舍柴關隱鹿車推蓬閒徙倚鄉路望中賒

### 過衡山懷羅荆溪

柴桑劉子宅揮手嶽雲流別意憐芳草交情問白鷗一尊虛夜月雙槳下殘秋何限依依柳臨江綰客舟

### 和張晴崖秋夜書懷

西風搖落向江城獨卧空堂客易驚一枕蟲聲邀月上四山秋氣逼鐙生甘於苜蓿中難熱廉到萊蕪夢亦清想見孤吟清不寐自攜苦茗手親烹

舟行野興

草根蟲語響啾啾  
隔岸晴雲晚不收  
村落影斜人散亂  
一枝輕槳下寒流

王溱字成旃號清源福建長樂人嘉慶己卯舉人官福鼎訓導有足雨宦詩鈔

江郎石

漸與霞關遠前山紫翠重  
望衡疑九面壁華見三峯樓殿  
雲全曉林巒霧不封客途何太喜晴日正初冬

蔣蘅字拙齋甌甯人嘉慶己卯舉人有雲寥山人詩鈔

八月十四夜與劉蘭心

素先

玩月貞元閣

勝友爭秋爽明河讓月輝  
況當涼夜永復此清興滋  
隨事命杯酌移坐面澄漪  
掬手弄珠璧俯身鑒幽姿  
理感意如

獲晤深語亦希竹露兼螢炫草蟲答澗澌微風林際來蕭  
蕭吹鬢絲曰歸匪興盡怯此單羅衣清光轉戀予欲去尙  
依依殷勤苔上石應惜良會稀

十五夜尋蘭心不遇獨往貞元閣踏月而歸

之子期不來獨往踐佳興招提絕人跡松關闕幽磴皎月  
獨弄姿水木俱清醒據石憩微軀危襟竦虛聽滿地走蚪  
蛇松篁搖不定夜游多清曠况乃無人境咳唾響深谷虛  
堂如有應颼颼山風至簌簌林籜迸神魂已淒動四顧逾  
悄靜清極不可留褰裳躡莎徑不知露氣深星星草頭瑩

建溪灘行遇雨

建溪之水多奔駛建溪之船薄如紙一絲篴纜挂船頭附  
石扳厓不容趾當其船石兩相持篙曲如弓纜如矢舟子

呼號聲欲嘶商人愕顧面餘咫而我凍縮如寒蠅裹頭兀  
卧蓬窗底忠信涉險詎無憑雷霆助虐胡爲爾白晝晦冥  
忽如夜黃流暴漲浩無涘前村迢迢不可卽倉卒拏舟入  
蘆葦黑雲隨風掠船過疑有神怪相驅使霹靂亂繞山前  
後電光只在船首尾誰言建溪水清淺安知不有蛟龍起  
雨霽心神稍收攝船行險阻殊未已坐思垂堂古有戒其  
奈勞生無定止平生不出里閭門羨爾千金田舍子

堂詩集

城南雨望

野色上荒亭風來酒未醒雷聲千嶂裂龍氣一江腥遠樹  
沈雲黑重嵐帶石青扶搖如可上鼓翼赴南溟

宿淨慈寺

返照入林扉小憩前山寺巖際生佛光竹間聞猿唳靜卧  
松林風悠然會琴意殘經白馬來漉滅數行字優鉢散幽  
芬伽陵發清吹夜色澹無影四山惟月氣道心苦未深時  
與白雲至虛光盈吾襟了了此初地明朝下山去境過情  
無異

吳山寓舍柬端木鶴田先生

笙歌晨夕聽吳趨湖海元龍氣未除文簟風生秋說劍高  
齋燭燼夜投壺吟情浙水濤飛雪歸夢苕溪月滿湖吾欲  
相從琴嘯侶不知曾許入林無

渡揚子江

臨流不盡古今情眼底金焦畫未成南北中分誰設險英

雄百戰半留名殘鐘月落瓜州渡暮柝風高鐵甕城醺酒  
舵樓歌一閱魚龍驚起夜潮生

崔暘字時林號月沾慶雲人嘉慶己卯舉人有月沾詩  
草

饑民行

蒙袂復輯履饑民卧道旁不食問幾日欲語淚千行去年  
河水漲河西秋稼傷嚴冬寒且饑老幼多死亡殘喘延至  
春乞食來此方昨日過朱門爪牙如虎狼今朝叩蓬戶十  
家九絕糧命已懸旦夕恨不死故鄉低頭不復語面目色  
淒涼欲救無寸柄徘徊空斷腸

楊大章字海樵武陵人嘉慶己卯舉人有海樵遺詩

赴郴州經九嶷山和戴叔倫原韻

蠻月挂青樹荒風吹綠林雲經三楚溼天入九嶷深古洞  
門常閉陰崖路自尋雨過斑竹泣紅淚落猿吟

張湘任字宗輅號笠溪平湖人嘉慶己卯舉人有抱璞  
亭詩集

平湖樂

明孫仲衍有湖州樂戲  
仿其體時孟夏十日也

平湖湖水清且漣春風滿路搖畫船弄珠樓頭一凝眺遠

山初月光娟娟

弄珠樓旁臨湖有  
軒名遠山初月

三月纔過交四月牡丹

未謝薔薇發黃魚市上帶冰來綠筍園中和雨掘二三朋

好相提攜閒來湖上酒具齎笑攀垂柳衣黏絮醉踏落花

香作泥風光如此良不惡見慣司空渾淡漠身在他鄉憶

故鄉今朝始識平湖樂

簡鈞培原名厥良字夢巖順德人嘉慶己卯舉人有覺



不覺詩鈔

黃樹齋曰夢巖之詩味腴而律細格老而氣豪與張南山山黃香鐵並馳聲嶺南表異今日

過溱頭橋讀橋上碑記知爲郭林宗訪汝南處

澄之不清淆不濁一水遙遙隔芳躅長虹駕空石礪齒興  
來踏月深懷企幾日離居鄙吝生兩心相印槃阿矢由來  
處士虛聲尙隱囊玉塵標清望論治要爭伊呂先抗懷苑  
在黃農上豈知家國誤虛談正坐身心習疏放責實知誰  
副盛名汪波千頃汝南清朝廷自著鉤黨籍鄉里終留月  
旦評角巾墊處停華轂一見傾心寫金玉對客誰誇御李  
來入林豈信攀嵇獨想見扶闌並轡游渺渺煙波人上頭  
贈芍已忘周歲月題橋誰續漢春秋橋下豐碑作人語似  
記前賢曾住處峻極崑崙入望遙流水無聲背人去

鷹雛行和黃樹齋同年爵滋

炎風扇空火雲熾赤日騰騰百鳥避羽毛雖豐非所遭不  
信爾鷹能自豪且向大樹將翔翺樹上寄危巢樹下坦行  
路雛飢求食母爲哺誰知反觸行人怒繞樹三匝枝無依  
爾雛弱小斯見羈別離生死不相顧母鷹當亦愁高飛可  
憐得食還相覓人海茫茫地頻易住久階除性亦馴早經  
憂患神猶惕母鷹日昨檐前呼頻來頻去聲烏烏讀君新  
詩我增感天涯病羽傷羈孤解縈縱去亦何有只恐雲霄  
忘回首本無責報聽爾爲尙有餘思待君剖君不見西風  
轉噴遼天廓平原漠漠鳴聲惡刺空願爾慎驅除毋令累  
百輪一鶚

行樂昌亂山中

境僻斧聲絕天高人影微亂峯青不斷孤樹綠無依蹤跡  
慚蓬轉迢遙羨鳥飛山腰有茅舍補屋待雲歸

謁張文獻祠

千仞居然一徑通名臣俎豆至今崇試將廊廟擎天手猶  
著家山闢地功攬轡頻聞徵草澤當關曾此失英雄如何  
朔雪炎風裏每向歧途歎轉蓬

汪棨字易門元和人嘉慶己卯優貢官安徽太和訓導  
有漱潤齋詩存

泊舟江潯

沽得新豐酒來停京口橈江聲寒挾兩人語曉乘潮地控  
南徐險山連北固遙揚舲待明發潑眼又金焦

鄒志路字義衢號仲虎又號狷齋錢塘人嘉慶己卯優

貢官甯海訓導有狷齋詩藁

小隱巖題壁

將軍射虎處林壑極幽深瀑細下寒雨樹多成晝陰天留  
招隱宅人有避塵心欲問巖棲者勞勞不可尋

陳繼昌初名守壑字蓮史臨桂人嘉慶庚辰一甲一名  
進士授修撰歷官江蘇布政使

詩話自鄉舉至廷對三試皆第一世謂三元唐張又新崔元翰宋孫何王曾宋庠楊寅王巖叟馮京金孟宗獻元王宗哲明商輅五朝得十一人國朝錢湘船學士登第裕陵製五言六韻紀其事蓮史爲榕門相國後人嘉慶癸酉舉解首越七年復冠禮部試遂得大魁昌陵依元韻成詩有句云大清百八載景運兩三元科名嘉話誠重之也

和祁春圃學使謁青浦孔子衣冠墓詩

聖蹟攜呵隴樹寒略如原廟奉衣冠朝宗入海汪洋水只

有三江得勢寬

許乃普字季鵬號滇生又號經厓錢塘人嘉慶庚辰一  
甲二名進士授編修官至吏部尚書太子少保謚文  
恪

詩話文恪書數率更得神似初以拔貢生授小京官  
直軍機處旋登上第迭掌文衡咸豐季年將幸灤陽  
抗疏力諫旋乞病歸卒年八十

題李桐村冷泉待月圖

冷泉出危峯亭中極幽敞空翠落秋影虛白滌塵想恍疑  
仙人來蹢躅曳鶴氅笑揖圖中人贈以邛竹杖飛泉不到  
處松心自孤往明月照吟襟遙情挹秋爽

興京道中

雷雨昨宵過郊原氣莽蒼羣峯相紫翠萬樹各丹黃空谷

馬蹏碎夕陽人影長停車寒更甚星月滿衣裳

和琴鵑耶谿漁唱絕句卽題王叔畦圖後

秋風一棹水雲遲日日船頭理釣絲閒煞浣紗人未去爲  
君臨水立多時

江湖催夢渡錢塘歸隱煙波憶故鄉聽取年時攜酒處手  
栽楊柳比身長

壁上琴是室人湯采梧故物感賦

七絃澀似九迴腸綫跡塵封古錦囊魂魄有知應戀此性  
情相得未能忘陽關雁落邊雲白楚水龍吟曉月黃一片  
商聲最蕭瑟當時傾聽已神傷

張祥河字詩舲江蘇華亭人嘉慶庚辰進士官至工部  
尙書諡溫和小重山房集

詩話溫初工書善畫得董香光及其先天瓶居士家  
法詩亦守婁東宗派早歲筆力精悍幾欲駕吳白華  
王蘭泉而上初刻詩藁十二卷爲姚春木毛申甫王  
海客所參訂多可錄者續藁二十卷分爲騷騷桂勝  
等十餘集則皆開藩桂林以迄被召還朝後之作雖  
吟興不衰而多涉酬應嘗自言爲詩喜對賓客不耐  
苦思曾謁姚姬傳於鍾山書院姬傳論詩古文尤謹  
義法乃知此事固不易爲然亦不能謂棄故步也  
禮烈親王鳴蛟箭歌

與朝騎射首肄武武爵善射名十五烈王藝具貫札神辟  
箭森森傳祕府關東定檄開營門塞山秋高旗幟翻紅輪  
懸的射羊眼萬眾聽鼓晝不喧白翎金簪插腰後滿月弓  
開霹靂手過簫風疾爍電奔主皮墮空革音厚其製六孔  
觚渾圓非銅非鐵骨角穿怪鴟一聲出林外下應擊鼓聲  
聞聞傳箭流星走千里射馬射人此餘技更羸鎖雲伯仲  
間黃帝烏號等閒耳獨訝筈長三尺強飛蠻矢尺六倍尺

量垂天舒翼狀張拱想見英姿帝座旁留遺夏服鮫函飾  
令德有銘栝可勒玉牒當年並策勳肅王矢斃黃巾賊

宋拓玉枕蘭亭歌

藏春木家

蘭亭一百十七刻理廟祕玩歸平章權姦奇計事風雅定  
武影本明鐙旁縮成小體五字損觥觥武爵酌廖王洛神  
當年並鐫玉于闐靈璧爭輝光杭州一唱歌舞絕誰其拓  
者聲琅琅性命毛輕物山重前有趙叟今蕭郎遂令懷璧  
後人戒孤兒負石空逃亡康熙朝爲閩中蕭長源給諫所  
有耿逆欲之斬不與後遂遇害  
其子靜君攜我思昭陵闕繭紙玉盃竟發天蒼黃戎溫無  
之徒金壇賴委瓦礫鉤填真蹟推初唐斑斑要錄姓名具褚馮韓趙  
諸葛湯館客稱功技狡獪福華撰罷摹歐陽此書無異辱  
金辱妓圍朱蠟羅東堂休論葛嶺半閒廢已見趙家全土



荒珠玉侈心建多寶冰山失勢難久藏木棉肯爲天下死  
惜未俱碎投河漳名流工作荔支喻肥瘦乃復窮銛銛咄  
哉虛舟遇靜君宋刻宋紙揭最良同時退谷字藏穎兩公  
一笑臨池狂世間抵掌優孟輩癡蠅譏恐貽南昌何如滌  
筆向湖水蟋蟀秋高金粟香

### 仙霞嶺

仙霞何岩巖三關控巖口草萊闢宋帥鑿道通地紐一夫  
當莫開奇險良可負所以開國初收閩獨在後  
山民種山田綠雲無隙地插秧高下阪引泉得水利卽看  
澗壁間瓜棚亦橫翠棱棱如列眉眞香動涼吹  
十里一亭堠嶺腰散花竹松毛架曲闌樓片蓋高屋此邦  
殊秀文吾將鄰是卜居人在山中日習不知福

我行玉露秋酷熱盛中夏一瓢瘴渴羌玉花灔泉罅有時  
陟絕頂何異雲車駕一笑奉使來眞是從天下

文信國公祠唐雲麾將軍李秀殘碑用坡公石鼓歌  
韻柬茱堂京兆

京畿曩詠歲丁丑古墨齋名景李叟未識殘碑苔蘚文今

看勁筆龍蛇走卓哉好古少京兆石揭摩挲開笑口新詩

舊記相伯仲石門平湖若先後康熙朝少京兆石門吳公涵有斷碑記堪嗟

六礎留止二何異石鼓文存九筆陣希蹤大令王葦芽斂

手元和柳當年范陽鑱翠珉兀峙秦中望珠斗兩書雲麾

最愜心千載風生見回肘世間神物有通塞一則亭臺一

蒿莠良鄉博士乃瞽夫閩人董生眞石友重甌遂喜輦駝

背大藥終非棄馬馭模糊鏡上騫鳳鸞漫漶行間雜科蚪

光價騰時始完平詠歌紀事惟商耆

明黎公惟敬王公敬美皆著古墨齋記

繁公直節著開寶不顧羣奸互唧喉信國丹忱共日星神  
祠素壁依尊卣升香肅肅來生徒奏鼓蓬蓬警矐眴觀經  
何啻門鴻都闕字難稽山岫嘯依稀圓壁瓦礫殘洗刷清  
泉塵網厚大梁攜歸一已私前尹流傳萬厯某墨華古月  
宜碧空宦橐黃金等烏有何如藝苑示戈礫頓使幽巖脫  
械扭堅貞不礙礪角牛巧詐還當嗤瓦狗延陵微意寓激  
勸柴市忠魂得配偶方今太平任儒術起化黌宮首善首  
正氣堂堂式仰瞻僞學紛紛亟攻拮讀書益智文可繹廣  
孝移忠義有取

讀書益智廣孝  
移忠摘用碑語

歐陽集錄富金石昌黎進

解磨光垢真貽模概國士資況置豆籩官吏守珊瑚不減  
交柯珍杞梓無妨數尺朽岐陽高唱鳳翔雛欲附長篇此

同壽

永州

芭蕉萬本綠爲天  
瀟水城南湘水連  
筆冢千秋留醉素  
賦才一夜憶何涓  
得名溪谷愚非辱  
寫勝山巖淡益妍  
明日浮橋徐按轡  
出疆難別是雲煙

道中書所見

峯角花穠不可攀  
峯根草長又誰刪  
馱從急溜聲中過  
樵向濃雲影裏還  
千百杉松排岸直  
兩三鴉雀啄泥閒  
好山惆悵無人住  
竹屋何嘗著一間

徐寶善字廉峯歙縣人嘉慶庚辰進士改庶吉士授編修歷官御史有壺園詩鈔

詩話廉峯詩自漢魏以迄唐宋皆浸淫深入後乃專力韓杜故性情格律無偏重之病同時鮑覺生張南

山吳蘭雪顧南雅黃樹齋定其集廉峯語人詩必剛  
柔交濟柔莫如白而剛在骨剛莫如韓而柔在骨學  
韓白者兩失之嘗作五代新樂府論者謂疏淺不  
及西涯而峭鍊過之遠在尤西堂明史樂府之上  
酬湯海秋儀部 鵬

我昔宮亭厄於水赤腳夜踏鼃鼃宮君昨長安厄於火白  
晝吼空飛赤龍我時與君不相識猿鶴幻化隨沙蟲君不  
死於火我不死於水玦環櫺具如雋生世上誰爲累公子  
黃金臺傾易水枯燕市落落亡屠沽狂歌逢君忽青眼誦  
聲金石出戶樞縱橫上下商述造但貢直慙忘阿諛平生  
奇險各舉似疣贅翻笑吾生愚脫我昔年從陽侯揚舡北  
渚驂赤艸首乞玉皇詔永奠黃河流忍使金錢百萬糜帑  
藏歲歲溷雜泥沙投君若化祝融定覺睂爽開羣蒙九幽  
日月萬古照不到懸以兩目代燭龍天公嗔汝太多事罰

令不死使以文字鐫心胸君官儀曹冰雪冷啗咽鮭菜甘  
奇窮我官詞垣乏仙骨賤註爾雅成書傭我矢歌君酌斗  
人壽百年世何有御龍豕韋奚足誇志士古來期不朽

獨有

獨有儒生拙端居抱百憂詩分餘日補病泥古方求四海  
幾青眼三公誰黑頭東南民力盡江水極天流

相見篇和黃樹齋鴻臚

相知不相見見面當見心兩意隔山嶽同氣乖商參禹迹  
畫芒芒尺步邈秦越誰將憂樂意四海視一室相見不相  
知不如棄路隅休戚豈弗顧貌諾心轉渝相見尙復爾不  
見將何如

哨鹿行

陰風夜吹關月黑夔魑野竄麋狐逸空山無人夜氣森叢  
薄呦呦鹿聲出以人鬪鹿蒙鹿皮掬河作管簧膜吹一麾  
呼羣百麋集哨聲初停羽聲急摧毛裂角迸血紅深林三  
日間腥風木蘭秋獮典禮崇翠旂雲罕張軍容期門爪士  
止齊肅旃裘毳幕屏藩雄合圍殺氣迴落日手搏赤豹拖  
元熊此豈吾皇樂游畋世治要不忘兵戎銀盤賜出拜異  
數士卒鳧藻皆雍雍卽今遺孽方陸梁柯坪已報殲溫禺  
磐橐布露亦何有笑爾隍鹿徒夢夢

辟疆古園歌

辟疆園在梁溪之西關爲顧修遠先生

唐采臣錢湘靈諸先生結社稱聽社十七子喜藏  
書富埒虞山錢氏絳雲樓鼎革後不樂仕進先生  
六世孫孝廉簡塘作辟疆古園圖蓋二百餘年來  
園之荒址久矣而余家先司寇遂園不三傳與傳  
是樓者皆成瓦礫傳之子孫者僅存康熙甲戌者  
英修祿橫卷讀簡塘是圖均有不勝故園喬木之

感者  
矣

長康家貧無一椽十載藏身萬人海袖中示我新畫本中  
有先人做廬在九龍峯高翠入雲名園草木酣青春參軍  
愛客主壇坫二泉觴詠如龍津擁書不殊南面王洗耳甘  
作繇東鄰眼看銅駝卧荆棘小園蘭成空愴神百年劫火  
紅羊換竹瘦杉枯瑱螯斷遺老猶傳顏闔家行人誰識陳  
陶觀吾家遂園傍玉峯禊飲遠續蘭亭蹤主斯會者尙書  
公鴻臚作圖寫貌工圖中一一鬚眉雄先司寇健菴公遂  
園修禊圖會者爲  
尤悔菴盛符升錢湘  
靈秦對巖諸老輩呼嗟乎衛公平泉成白地世閱空繩  
隤數裔尙聞鉛淚瀉金仙何況區區故侯第讀君甘州曲  
令我心煩憂名山君自垂千秋魚袋緋衣安用求百不及  
君一事優鴟夷儻逐五湖去我已松門營菟裘



徐宗幹字樹人江蘇通州人嘉慶庚辰進士官至福建  
巡撫諡清惠有斯未信齋詩錄

石萊道中

萬山簇立峯頭直十人肩輿行不得懸崖倒盤出自穴陰  
雲溼衣馬噴血怪石千丈虎狼窟飛瀑挂空碎明月涉水  
無舟奴赤腳巨魚逆流縱大壑人跡不到行且卻十里百  
里無村落深夜冥冥走空谷幽邃得無奸宄伏瞥見鎧火  
數椽屋門戶不閉種松菊今年山田秋大熟不知盜賊知  
耕讀

燕園小憩寄贈泰安諸同人

頓與名山遠還同木石居橫琴無待月垂釣不求魚園小  
偏宜水官貧尙有書幾竿修竹影獨坐愛扶疏

偶然離束縛終未脫羈塵紅蓼思鄉國青松見故人山空  
千佛古池煥四時春寄語同舟侶長途又問津

輿中口占

遠山皆爲雲近山只見石山前石頭青山後雲頭白疊絮  
堆奇峯飛練挂空壁時來襟袖間相去不盈尺罡風忽吹  
去山天同一碧

華州道中望華山口號

燕趙齊魯山之東自東而西中州中五嶽已覽恆岱嵩勃  
勃雲氣生吾胸中原山盡入隴蜀一年兩走華山麓但見  
萬馬脊竦波濤奔跨鸞騎鳳朝天門縹緲玉女滿頭雪欲  
洗不洗空留盆飽看山色日百里三日仍在山之根瓜皮  
皴皴斧劈誰畫江仙人五指落太空隱隱唐槐漢柏周秦

松夜碧時或聞清鐘安得兩腋生翅飛上去一日三周天外之三峯手擎腳踏千朵萬朵青芙蓉

楊慶琛榜名際春字雪芑侯官人嘉慶庚辰進士厯官山東布政使內用光祿寺卿有絳雪山房詩鈔

丁丑閏後作

白日黃雞急景催風光五度此徘徊三年望眼仍如夢一寸春心肯遽灰狂蝶舞殘飛絮影曉鶯颺過落花堆碧桃紅杏無消息空說長安走馬來

水雲亭遠眺

虎岫螺江外秋山無盡青雙流趨馬瀆孤塔聳羅星天遠布帆小煙低巖戶扁水光與雲色厯厯上閒亭

困關晚泊

驛樓人語水窗磨榕葉溟濛暮靄凝門外風威狂似虎酒  
邊鐙影小於蠅南來繫纜剛消浪春半行舟正泮冰領取  
谿山卽圖畫疏篷煙水寫吳興

李璋煜字方赤一字禮南號月汀諸城人嘉慶庚辰進  
士歷官廣東布政使

都門冬日送宮生爽齋煜歸里

不作三年聚甯知一別難相依憐拙宦頻去勸加餐祕笈  
誰同校征衣念汝寒歸時逢舊雨傳話報平安

高堂欣撰杖稚子解牽裾爲搗山中碣還排架上書誰能  
禁小別轉使羨家居記取春冰泮臨風正歧余

贈朝鮮進士金山泉命喜

高齋響檐溜庭樹生春風繫予二三子苔異岑則同君乘

果下馬入門氣冲融漢儀製仍古秦語譯難通揮毫傳四  
座奮迅如旋蓬壯年文采絢簪裾世業崇乃兄玉堂選持  
被勤在公晤言幸良覲藻詠凌秋空感茲發遐想神游東  
海東

我聞都平壤郭外山嶙峋上有胥餘墓禮義牖斯民八條

雖半佚人慙俗則淳誰與綿道續圃隱超等倫微言尊洛

閩後進排王陳

鄭圃隱始倡程朱之學斥王陽明陳臣節  
白沙之說卒以身殉難配祀聖廡焉

炳河岳聖廡陪明禋惜哉厯星紀著錄多沈淪淵源一回

溯君獨追音塵日本街祕笈綺麗不足珍研精洪範理力

將大雅振所期更努力樸學傳其人

沃沮高句驪舊隸朝鮮地南閭并右渠四部漢所置曩讀

班范書略能觀大義覽茲箕田圖畫并食其利七縣設嶺

東三州分牧使爲問王險都今昔應殊異甌山浪水間指  
畫窮奇閩東譯史尙存海舶遙相寄

俞焜字昆上號雲史錢塘人嘉慶庚辰進士改庶吉士  
授編修歷官湖南衡永郴桂道殉難贈光祿寺卿諡

文節有取斯堂遺藁

詩話文節自侍御出守彰德掘觀察歸廉訪以獄獄  
遲延望吏議當左遷遂引退咸豐辛亥寇至與戴文  
節率團練助守城破巷戰挾梃奮擊矛洞胸死  
妻陳及其女皆殉馬端敏入告易名與戴同

徐左甫遺藁題辭

一編賸作吉光看老眼摩挲忍遽刊底事蘭膏還自熱悔  
教溺苦銑心肝

昂昂千里失名駒嗜學應嗟此日無我亦驚心泡影幻廿  
年清淚灑童烏

馮詢字子良番禺人嘉慶庚辰進士歷官吳城同知署

九江饒州知府有子良詩存

張南山曰馮子良天資聰穎癖好韻語其詩時而舉  
鶴長鳴時而春鶯自轉時而風雄虎嘯時而月冷猿  
嗥惟能自達其情  
遂覺適如人意

詩話子良政餘吟詠篇什甚富其詩邊幅壯闊不名  
一體論者謂其樂府格韻深古近體風格雄渾五七  
古氣吞筆先聲大而遠陳理皆新不  
可方物道光間爲嶺南詩人之最云

羅浮子曰亭觀日歌

東海浮山並浮日日光射空海底出浮山日湧羅山來兩  
峯搖搖勢欲失鐵橋亙天天漢低天風浩蕩雲淒迷淋漓  
元氣渺不測忽驚天外鳴天雞乾坤草廬半空起四百峯  
頭一亭峙中有蒼茫獨立人元精耿耿雙眸視本來南國  
占離明文章天上搖火精收拾蠻煙炙炎海海市忽散皎

人驚珊瑚萬樹若列炬照見山河瞭如許蓬萊並入金鏡  
中一角分明失左股黃塵更變水淺清劫灰飛盡玻璃明  
何時睇髮最高處顧盼目極東南溟

長新店題壁上畫馬

買駿無人入燕市一片雄心爲誰死精神滿腹氣壓紙壁  
間颯颯風塵起主人待汝恩不輕購汝飼汝繪汝形龍骨  
先摹神氣力兔毛更染好顏色晶瑩夾鏡參差錢羈金絡  
玉裝寶韉勢欲飛騰卻不去回頭似待王良御至今落拓  
猶英雄豪姿卓犖顧視高主人挂向長安道相看共歎風  
塵老年深墨汁還淋漓按圖試問畫者誰名姓不遺俗人  
識英雄埋沒胡可知卻看圖形感沙漠馬閑亦是麒麟閣

祁門舟中



一脫官衫百體便卧游雖暫亦纏綿樹知塵世百年事花  
送春人十里船白日縱歌宜放鶴青山埋骨有嘯鵑不知  
寒食清明過只覺韶華在眼前

趙亨鈴字印浦一字蔭圃易州人嘉慶庚辰進士歷官  
古州廳同知有蔭圃小草

謁武鄉侯祠

南陽肅拜卧龍祠懷古蒼茫有所思三聘就徵莘野侶千  
秋知己杜陵詩功名管樂卑無論魚水君臣樂可知明日  
襄陽又投宿更無淚灑峴山碑

感春

一例春光發舊枝長松古柏獨遲遲東風亦有偏吹處桃  
李無言爾自知

重陽日唐梧莊置酒於臨佛閣醉後題壁

豪宕談心劇有情天涯高會兩忘形孤帆遠浦秋無極細  
雨斜風酒易醒宦海同心傷落寞元都舊樹半彫零醉中  
誤解君謨句青眼看人萬里青

張擴廷字海丞南皮人嘉慶庚辰進士改庶吉士歷官  
敘永同知有西園詩鈔

雷陽署中作

一片孤城萬仞山官衙高踞翠微間近司隴上牛羊牧遙  
控雲中虎豹關邊徼風清擊鼓靜市夷日照毳衣斑披圖  
莫歎南溟遠且向巖疆長百蠻

汪百祿字桂山桐廬人嘉慶庚辰進士官名山知縣有  
味菜山房吟草

邛州

一塔頽然倚碧岑，欲晴欲雨釀春陰。極天山影多平遠，繞郭溪流半淺深。喚賣蔗梢紅壓擔，州產紅蔗最佳待攜竹杖綠成陰。

邛竹杖載元和志

竭來擬訪琴臺蹟，芳草王孫思不禁。

沈道寬字栗仲，大興人。嘉慶庚辰進士官湖南桃源知

縣有話山草堂詩鈔

詩話栗仲先世爲四明望族，官湖南撫江華，猶有異政。罷職後寓邛，上工書善琴，詩尤擅名。七言古近體皆健拔，律句隸事精當。出入玉谿山谷。

贈友仙卽送歸甬東兼申卜鄰之約

奔走風塵計每疏，虛名到我復何如。青雲失路思高卧，白首無成悔著書。敢謂長途存老馬，難分江水潤枯魚。歸田賦就知何日，悵望松楸待掃除。

同王霽台游澹巖

平疇回寒蹊密林翳危磴雷斧施全力雲根闢一徑醜石  
虎豹踞逸筍蛇虺迸同游得王喬探涉鶴馭併初尋或隈  
隩深入轉幽靚舒開地脈深豁露天宇淨窮搜忽寬廣砥  
壤拭如鏡青削菡萏垂濃滴乳柱瑩剔蘚讀題識雲破日  
輝映冷風灑塵襟霽雪徵定性洞外疲登頓巖巔知曠曩  
他時杖策來景物拾殘賸

祝融峯觀日出詩爲楊子卿上舍作

曦輪旋轉生於東滄溟一片濤頭紅人間不見搏桑界曉  
色奕奕開鴻濛七十二峯奠南楚兒孫羅列朝祝融祝融  
直上不計仞憑虛誰闢菩提宮登臨有客快游興絺衣蕙  
帶凌長風顧瞻萬里在几席倚檻坐待炎宵中俯看似有

縮地術平視遠憶談天翁天雞一唱現朝霽側身東望窮  
長空跋烏不爲海若抑金丸飛擲光熊熊驚虹走電忽騰  
上坐令昏夜回瞳矐十年泰岱滯游屐所恨未登日觀峯  
聞君話我登高眼恍如嶽頂開天容衡陽相望三百里休  
暇定欲陟穹窿朱陵洞口君重至風駕兩腋來相從

自明港驛至確山途中作

松明照路催宵征野煙杳靄雲晦暝須臾雨過現霽色煙  
雲欲盡山更青已聞棲鳥散遠樹更看浴鷺投前汀曉日  
瞳瞳開畫本眼前妙筆無關判朗陵自古富文物宦游僑  
寓多豪英炎劉末造國是壞祇有處士餘芳馨隱鱗藏羽  
足千古朝評鄉譽皆虛名我來顧戀通德里恰遇景物偏  
幽清長松短壑不少住黃塵滾滾眞勞形人間榮辱浮名

耳何須嗣世躋公卿驅車過此意慘愴回頭一弔荀慈明  
得周伯恬書檢授學博

慚愧陽湖老斲輪青氈還汝自由身緘書遠道來相慰欲  
挽衰顏作好春得意鸕鷀爭健舉故鄉魚鳥頗疑嗔吳趨  
越嶠烏藤路賸喜閒官作主人

道光壬午爲周節庵題所藏李龍眠揭鉢圖今王仲  
珣以仇十洲臨本屬錄其詩因與圖不同別成一

首

畫師胸中無不有龍眠況是開山手搜求法藏出新奇幻  
境圖成鬼子母當時游戲弄狡獪誰令畫苑臨摹久十洲  
居士老斲輪奪眞已得十八九甯聞夔魑附羽翼遂令獨  
足兼飛走長鑱闢戰爭郁紛犀甲虎髦隨指喉狡獪符拔

狀猶惡射魑罔象顏粗醜并幹露索挽千鈞定謂能攻弗  
能守豈知須彌納芥子還看禁呪逾枷杻果然佛力浩無  
涯未信妖腰敢彊取近者吾鄉困魑魅傳聞殺戮到雞狗  
華顛豁齒亦創痍豈獨災厄屬黃口我思膜拜向慈佛借  
大願船濟黔首鞭笞妖孽望罍收拾鯨鯢入罌甌激波  
萬里靖寰海夜鉢呪龍如轂轂他年兩槩趁潮歸頭銜自  
署太平叟

東鄧湘皋

廣文官舍劇清寥投紱歸來爲養高楊尹去如疏傅勇柳  
侯清敵退之豪不求廛仕添蛇足祇以新詩換蟹螯萬卷  
著書多益善丹鉛歲月寸心勞

次韻答嚴麗生姻丈惠詩

湘南十載悵淹留，夢幻應隨智北游。  
用拙官場空磔鼠，忘機心緒合盟鷗。  
平情論世人猶怪，枵腹談經我亦愁。  
稍喜南湖有薇蕨，不須遠覓鄭瓜州。

典冊珍珠聚一船，鑿輪老手腹便然。  
詩吟花月春江夜，帖補湍流帶石天。  
方駕曹劉飛藻速，差肩徐庾辨香虔。  
朱陵地肺遙相望，收取聲名不計年。

朱毓文字鹿賓海鹽人，嘉慶庚辰進士官仁懷知縣。  
有坦坦居學吟草。

蠶詞

閉門忌客各西東，恰值求桑話晚風。  
遮斷綠陰不相見，獨橫梯影夕陽中。

張星煥字厚培，一字掖垣，善化人。嘉慶庚辰進士，改庶。



吉士官太湖知縣有味斯軒詩草

入淥口

灘聲聞十里到處石巉巉湍急頻添纜風平不挂帆村煙  
連市井人語響松杉幾日同觀海樓頭日影銜

雨中舟發蘭谿

灩灩溪流夾岸奔蘭谿一夜雨聲喧客行楊柳江頭水人  
閉桃花樹裏門芳草天涯春有色薄寒時候鳥無言鄉愁  
肯向同人語望入遙山賸一痕

馮登府字雲伯號柳東嘉興人嘉慶庚辰進士改庶吉  
士授知縣改甯波教授有石經閣詩略拜竹詩龕詩  
存

詩話柳東初以詞曹出爲將樂宰不兩月卽以親病  
告歸改官後大吏將論薦力辭之說經恪守漢人家

法考證三家詩及論語異文皆有述作與竹垞同里  
深嗜其詩嘗輯曝書亭集外逸篇作兩律紀其事有  
句云竹枝舊調刪還補桃葉間情恨本空不見須眉  
憐我晚尚誇鄉里與公同其書今與本集並行於世  
渡江後寓海嶽庵

溼雲寒走江天黑蓬底雨粗眠縮瑟南宮詩夢久饑餬一  
幅如逢圖潑墨米家當日亦寄居千秋橋側誅茅初脩閑  
堂鄰甘露寺傳前應署顛人書軒窗致爽面龍灣竟將海  
嶽換硯山蟾蜍玉淚念故主誦詩圖筆心猶慳千金賣古  
煩婦駟片石笏拜逢仙鬢寅哥坐列商寶纈巾箱五嶽留  
人間我來借得書畫舫紅橋九十恣來往茶檣酒幔任相  
羊麝煤鼠尾寄孤賞狂吟恍接七百年六代青山喜無恙  
當時快意崇甯年書博士銜臣親填牟駝岡石付劫火宣  
和圖畫歸雲煙惟有斯庵倚江水零落秋風飛燕子天寒

仿佛精靈歸白鶴一聲橫江起

過拂水山莊

白頭詩侶憶松圓感慨滄桑不計年生死難逃窮鬼罵文章枉受美人憐杜陵老去悲秋雨謝墅荒餘冷暮煙九廟冬青零落盡不堪紅豆續新篇

趙對徵字子徵號野航合肥人舉人官廣德學正有小羅浮館詩

孝陵

風雲氣盡夕陽殘宮殿蒼涼異代看尺土不階同漢祖六卿分職法周官眼前將相隄防易身後兒孫位置難燕子飛來金闕冷年年石馬嘯荒寒

曉發宿遷

茅店聞雞夢不成起尋殘月獨長征霜棲白草秋無色沙  
走黃河夜有聲雨雪關山雙鬢短風濤宦海一身輕來時  
記過新豐市酌盡醇醪氣未平

過兒邱集

荷鋤村村徧鋤經蹟已荒古風談父老遺俗重書香客夢  
三家店詩尋七世堂笑余同塞雁去住總他鄉

郭書俊字蓼莽濰縣人舉人歷官河東監掣同知有蓼  
莽詩存

晚訪雁廬兄

靜與孤松對空堂卽遠山詩真無客好心冷比鷗閒落日  
平臨地柴門未上關因君問三昧蕭寂水雲閒

廣固行

銅駝夜泣典午絕紛紛逐鹿金甌缺五湖爭起作天驕魚  
羊食人日流血前燕已滅後燕亡豪傑屈指范陽王長河  
冰結亦天意囊括三齊制東方玉璽一紐爲天子驅策羣  
雄如臂指敢說中興夏少康國事粗能得料理阿超遠自  
秦中來少小流離劇可哀太息妍皮裹媼骨豚犬兒郎真  
不才黃屋坐襲大寶位親臣重臣多猜忌苦將剗刦復肉  
刑如何人命等兒戲軸轆百道下中原萬馬無聲夜窺邊  
天險坐棄不能守神兵已過大峴山寄奴夜掘五龍口山  
河破碎君臣走執手流涕魏夫人南燕帝業成何有宿草  
荒煙落日昏驚沙滅沒故壘存英雄割據長已矣至今嘯  
鳥怨公孫

出郭卽景

半溪殘雪半溪冰老樹髡如退院僧雁帶寒雲歸極浦鷹  
翻曉日下中陵青鞵錯認三叉路白髮全輪九節藤樵弟  
漁兄閒自遣此生蕭散有誰憎

龔一山轉運歸自河南

客路轉吳楚一車隨雨行人來諸葛渡山盡呂蒙城驛柳  
藏雙堠村醪醉短鎗夕陽驅倦馬不盡別離情

微風送殘暑塵外片雲回客與新秋約人先早雁來露荷  
千葉老煙柳一門開掃榻容高枕山禽莫浪猜

尹偉圖字湘帆博野人舉人有客游吟

涿鹿

形勝燕南第一州嚴城百雉扼咽喉陂連督亢成膏壤水  
併桑乾據上游慷慨羽聲銷霸業蒼涼野色起邊愁空山

木末飄黃葉鵑鶚盤雲天地秋

朱鳳翔字振采一字集庭開泰人拔貢官燉煌知縣有

審安堂詩鈔

詩話振采詩設色鍊音在黎平詩人中爲獨出官隴與武威張介侯爲詩友黎相容與胡子何編上里詩系柏容謂當別編胡小牙父子倪復山及振采詩爲四家詩選

清明有懷用東坡黃州寒食韻

新火滿山城餘餉送寒食花柳尙僵卧對之增歎惜索居  
緬古懽惜惜汎瑤瑟巖雲蔽屋角翠滴簾波溼覽勝惱詩  
魂澆愁憑酒力回首故園春煙繚桐花白

秋陰次坦菴韻

高樓暝色壓簾陰小立西風冷欲侵寒蛩抱花疑雨重亂  
鴉爭樹覺煙深謾憐秋意成蕭瑟略遣閒愁自斟酌料理

萸囊待重九皋蘭山好快登臨

登狄道州超然臺晚眺

巖城百雉俯臨洮古木邊聲作怒濤牧馬未歸孤戍遠大  
旗曾照七星高嶺雲漠漠吹驚絮戰壘荒荒沒短蒿要擬  
嘉州歌塞上夜來風雨落吟毫

寄懷張介侯

不見閉門張仲蔚西風楊柳復如絲秋開霽景天山出曲  
唱涼州下里思聞道著書疑有癖那堪薄宦未忘疲樓頭  
又過南征雁細雨銀鐙客夢遲

秋雨

吟風落葉打簾鉤江上芙蓉照遠愁莫問伶俜小胡蝶紅  
闌干已不宜秋



山雲容易成微雨不慰農人望眼賒  
竟日瀟瀟成底事閒庭開瘦水荳花

晚晴移詩匯卷一百二十八終